


1938-A
91/2



معارف وکالتی

تبلیغات مجموعه سی

تاریخ
۱۵ مایس ۱۹۲۷

صفی
۱۶

مندرجات

قانوندر

قانونه تفسیرلری

تعمیمدر

دولت خدمات و مؤسسانده عدم استخدا انه قرار و بریلندر

مدیر انجمنی قرارلری

و کالت انضباط قومبیسورنی قرارلری

تعییندر

معارف وکالتی نامنه ملی تعلیم و تربیه هیئت نشریات شعبه سنجه ترتیب و نشر اولونمشددر
نیسان ۱۹۲۷ آبی ظرفنده تعلیم اولونان تعلیماتنامه و تعلیملری محتویدر .

استانبول — دولت مطبعه سی

۱۹۲۷

کتابخانه
 مجلس شورای اسلامی
 تهران
 شماره ثبت
 ۱۳۳۱
 تاریخ ثبت
 ۱۳۳۱

شماره
 ۱۳۳۱

در مورد

۱۳۳۱

شماره ثبت

۱۳۳۱

شماره ثبت

۱۳۳۱

شماره ثبت

۱۳۳۱

شماره ثبت

۱۳۳۱

شماره ثبت

۱۳۳۱

شماره ثبت

۱۳۳۱

شماره ثبت

۱۳۳۱

قانونلر

مفتش و مفتش معاونلرينك يومية و خراج اهلرينه دائر قانون

نومرو : ۹۹۹

برنجي ماده — ۱۵ مایس ۱۳۳۵ تاريخي خراج اهلينه قرارنامه سيله بؤكماتفرع تعديلات و مديلاتك مفتش و مفتش معاونلرينك يومية و خراج اهلرينه عائد احكامي بروجه زيرتعديل ايدلمشدر :
آ — معاشلري اوج بيك بش يوز غروشدن دون اولان مفتش و مفتش معاونلرينك يوميةلري ۱۵ مایس ۱۳۳۵ تاريخي خراج اهلينه قرارنامه سي ايله بؤقرارنامه يه متعلق تعديلات و مديلات احكامنه تابع اولمق اوزره ، معاشلري اوج بيك بش يوز غروشدن آلتی بيك غروشه قدر اولان مفتشلرك سياحت يوميةلري اوج يوز آلتش و معاشلري آلتی بيك غروشدن زياده اولان مفتشلرك ده درت يوز غروش اوزرندن حساب و اعطا اولنور .
سياحت يومية سنه استحقاق ، و مفتش معاونلرينك منطقه مركزلري خارجنده وظيفه سياحتنده بولونمالريله مشروطدر .

ب — مقاوله نامه به تابع اولانلردن ماعدا اجرتله مستخدم مفتشلرك اجرتلري هانكي معاشك تخصیصاتيله برابر بالغنه تقابل ایدیورسه يوميةلري او معاشك بالغ اولدینی درجه يه كوره تسويه اولنور . آنجق نه صورتله اولورسه اولسون بوقبيل اجرتله مستخدم مفتشلرك سياحت يوميةلري مقداری درت يوز غروشي تجاوز ایده مز .

ج — اقامت يومية سي سياحت يومية سنك بر بوجوق مثليدر . اقامت يومية سنی آله بيلمك ايچون منطقه سي مركزي خارجنده ر محله لاقل ايكي كون قالمق لازمدر .
د — مفتش و مفتش معاونلرينك وظيفه سياحتلري اثناسنده اختيار ايتدكلري وسائط نقلیه ، باغاژ و حال اجوراتی وقوعنه كوره مصارف حقیقه اوله رق ویریلیر .

ايکنجی ماده — بو قانون نشري تاريخندن معتبردر .

اوچنجی ماده — بو قانونك احكامنی اجرا و كيللری هیئتى مأموردر .

قانون تفسیری:

اورتا تدریسات دائرہ سی

۲۴۴۹ عمومی

۱۴۵ خصوصی

منطقہ سی معارف امیندکنہ

۲۶ کانون ثانی ۱۳۴۰ تاریخ و ۴۰۱ نومرولو (معلمین و طلبہ نك عـ كرا كدن تأجیللری
حقنדה كی ۲۱ شباط ۳۲۷ تاریخی قانونه مذیل قانون) ك ایكنجی ماده سنك تفسیری حصول
معلومات ضمنتده آشاغی یه نقل ایدیلشدر اقدام ۱۹۲۷/۴/۲۸

معارف و کبلی نامنه

مستشار

نافع عطفوف

نومرو:

۱۱۴

دوقوز صنفی بر دوره لی بـ لرك سكرنجی صنفندره دوقوزنجی صنفه ترفیع ابدوبده
بو صنفی اكمال اتمده نه ترك ابدنلر، بر دوره لی بـ و اورتا مكتب ماؤدولربنك حقوق
وامتيازدره استفاده ابده مزلر.
۱۲ نیسان ۱۹۲۷

تعمیمات

اورتا تدریسات دائرہ سی

۶۲۳۰ عمومی

۲۰۶۱ خصوصی

مکتبہ لرجہ تطبیقہ اعتنا اولوہ سی
مخصوصہ : لازمکن خصوصات حقندہ

بعضی . علم مکتبہ لریلہ اورتا مکتبہ لریک و لیسہ لریک تدریساتندہ اساسی بر قصور کوزہ چارمقدہ در . پروغرامدہ کی مفردات آیری آیری اوقوتولمقدہ ، فقط مکتبہ لریک و جمعیت آره سندہ در سار واسطہ سیلہ قوتلی بر رابطہ تاسیسی اہمال ایدلمکدہ در . مثلاً مکتبہ لریک صوک صنفہ کلمش بر طابہ اوزاق و مملکتتمزلہ سیاسی و اقتصادی علاقہ سی اولمایان بر مملکت حقندہ کافی درجہ دہ جغرافی معلوماتہ مالک بولوندیغی حالہ کندی مملکتہ ، تورکیہ یہ یبانیجی بولونیور حتی مکتبہ لریک بولوندیغی منطقہ ، و داہا فناسی ، ایچندہ یاشادیغی شہرک جوارینی طانیور چوق اوزاق زمانلرہ طاند وقایعی اوکرندیکی ، دیگر ملتہ لریک حیات و مدنیتلری حقندہ بر فکر ایدیندیکی حالہ کوزونک اوکندہ جریان ایدن حادثہ لری بسیط بر شکلہ اولسون ایضاح ایدہ میور . ہر کون کوردیکی و قارشیلادیغی تاریخی اثرلر و آبدہ لری ، اک یاقین زمانلریک تاثیرات و نتایجی اعتباریلہ چوق مہم اولان حادثہ لری حقندہ لزوملی بیلکیلردن بیلہ محروم بولونیور بو مکتبہ لریک دیگر درس لریک دہ تاریخ و جغرافیا ایچون تثبیت ایتدی کمز بو نقصانلہ معلول بولوندیغی اسفلہ کوریورر . مکتبہ لریک قوتلی بر وطن بیلکیسی و عشقی ایلہ مجہز وطنداشلر بکلہ بن وکالت ، تدریساتک بوشکلہ دوامنی مسامحہ ایلہ قارشیلایاماز . مدیر و معلملر تعلیم و تربیہ لریلہ مکلف بولوندقلری کنج لریک مملکتتمز و ملی جمعیتتمز ایچون حاضر لانمالری لازم کلدیکیکنی دائما خاطر لامق تدریس و تربیوی فعالیتلرینہ تورکیہ یی و تورکلکی محور و مرکز انخاذا ایتک مجبوریتندہ درلر . پروغرام مادہ لریک کتابلریک چرچیوہ سی داخلندہ

کرسيلرندن تدريس ايله اکتفا ايدەن ، طلبه يى اشيا ايله ، حادثه لره ، محيطلرله تماسه کتيرمه ين ، ياشادقلى زمانه ، کندى مملکتلرينه و تاريخلرينه يابانچى براقان معلملرک مساعيدنى عقيم و قيمتمىز تلقى ايتمک ضروريدر امينلرک ، مکتبلرک تدريساتى مراقبه و تفتيش ايدەرکن بوجهتى اهميته نظر دقته آلمالرى و آئیده کی خصوصاتک بوتون مکتبلرده تطبيقه اعتنا ايله لرى ايجاب ايدەر :

۱ - هر درس قابل اولدينى درجه ده مملکت محورى اطرافنده دور اولوناچقدر . هر فرصته بولوندىقلى شهره و تورکيه عائد معلومات و يرمک ، تورک جمهوريتنک صورت تاسيسنى آ کلامق و جمهوريتى سوديره جک هر واسطه دن استفاده ايلک بوتون مکتب مدير و معلملرينک مشترک وظيفه سيدر . بواعتبارله مى بايراملردن ده اعظمى درجه ده استفاده لازمدر .

۲ - جغرافيا درسنده اک فضله مملکت جغرافياسى اوزرنده توقف ايديله جک ، ديگر مکتبلردن ده تورکيه قومشو اولانلر و مملکتلرله سياسى و اقتصادى رابطه و مناسبتارى قوتلى بولونانلره اهميت عطف ايديله جک و ممکن مرتبه تورکيه ايله مقاييسه لر ياپيلاجقدر .

۳ - هر جغرافيا معلمى مکتبک بولوندينى منطقه نك جغرافياسى حقنده طلبه سى ايله برلکده تدقيقاتده بولونارق معلومات طويللايه جق و مکتبده محلى جغرافيانک ده ا شخص و جانلى بر شکلده تدريسنى تأمين ايديله جک کوچوک برموزه وجوده کتيره جکلردر .

۴ - تاريخ معلملى مى تاريخه خصوصى بر اهميت عطف و عمومى تاريخده عصر حاضر اوزرنده ده ا زياده توقف ايديله جکلردر .

۵ - تاريخ معلملى طلبه ايله برلکده محلى تاريخ تدقيقلرنده بولوناچقلر ، مکتبک بولوندينى شهرک ممکن اولدينى تقديرده ولايتک اهميتلى آثار و مباني تاريخيه سنى زيارت ايدهرک بونلر حقنده معلومات ويره جکلر و بومسائلک محصولى اولارق آلدله ايديله جکلرى فوطوغراف ، اشيا و وثائقله مکتبک تاريخ موزه سنى زنکينلشديره جکلردر .

۶ - تورکجه معلملى ده تحرير وظيفه لرى دولاييسيله چوجوقلرده تورکجه و جمهوريته قارشى محبت دويغولرىنى تنبيه چاليشاچقلردر .

۷ - طبيعيات معلملرينک منطقه لرينک مجموعه نباتات و حيواناتى طلبه يه طائيمالرى

ملاحظات	مقداری	ماده شبه زلالیه (آلبومین)	مواد شحمیه	مایت فحمیه	مقداری	ما کولاتک جنسی
یاغلی اولمق شرطیه در .	۳۲۲	۱۵,۸۰	۳۰, ۵		۱۰۰ غرام	قویون آتی
	۲۹۰	۱۷,۹۳	۲۴,۱۷		"	قوزو
	۲۱۸	۱۸,۸۷	۱۵,۲۹		"	صغیر
	۱۷۱	۱۹,۷۳	۸,۷۴		"	دانا
	۱۷۰	۲۱,۰۵	۶,۲۸		"	طاووق
	۲۰۰	۱۸,۱۹	۲۷,۱۰		"	بالیق
	۷۰	۳, ۵	۳, ۸	۴, ۵	"	اینگ سودی
	۹۳,۵	۴, ۶	۵, ۶	۵, ۵	"	یغورت
	۹۰-۸۰	۷, ۶	۸۳,۷۰		بر عدد ۱۰۰ غرام	یمورطه (۶۰ غرام) تره یاغی
	۷۵۷	۰,۷۶	۱۰۰,		"	زیتون یاغی
	۹۰۰			۹۹,۷۵	"	شکر
	۳۹۹			۷۹,۵۴	"	بال
	۲۲۱			۷۹	"	یکمیز
	۱۹۷	۱۲,۲۲	۱۵, ۵	۱,۳۷	"	سیاض پینیر
	۳۹۳	۲۴,۴۴	۳۱	۲,۷۴	"	قشر
	۳۵۷	۶, ۸	۰,۸۸	۷۸, ۵	"	برنج
	۳۵۷	۱۰,۲۱	۶,۹۴	۷۴,۷۱	"	بغدای اونی
	۳۶۹	۱۲,۱۵	۰,۷۵	۷۶,۱۲	"	ایرمیک
	۳۵۴	۸,۴۰	۰,۹۳	۷۸,۱۰	"	بولغور
	۳۶۱	۱۱,۵۸	۰,۶۰	۷۵,۲۱	"	مقارنه ، شعریه
	۹۶	۲,۰۸	۰,۱۵	۲۱,۰۱	"	پناتس
	۳۴	۳,۷۱	۰,۵۰	۳,۶۱	"	ایپناق ، آبه کوچی
	۷۲	۳,۹۹	۰,۹۰	۱۱,۶۳	"	لحنه
	۳۲	۲,۴۸	۰,۳۴	۴,۵۵	"	قارنهار
	۴۰	۱,۰۷	۰,۲۱	۸,۱۷	"	خاوج
	۵۵	۵,۴۳	۰,۳۳	۷,۳۵	"	چالی ، عایشه قادیق فاصولیه سی
	۵۵	۵,۴۳	۰,۳۳	۷,۳۵	"	بقله
	۲۶	۱,۳۴	۰,۱۷	۴,۷۷	"	یطلیجان
	۳۴	۱,۵۰	۰,۵۰	۷	"	بامیه
	۲۳	۰,۳۵	۰,۶۰	۴,۰۸	"	قاباق
	۲۷	۱,۲۵	۰,۳۳	۴,۷۰	"	قیرمزی دوماتس
	۳۳۸	۳۳,۱۵	۱,۸۹	۵۲,۶۸	"	بزلیه
	۳۴۱	۲۵,۹۵	۱,۹۹	۵۲,۸۴	"	سرجک
	۳۵۲	۱۸,۶۲	۵,۲۵	۵۵,۶۰	"	نخود ، فاصولیه
	۳۳۲	۲۴,۹۰	۲,۲۰	۵۱,۱۳	"	قورو قله
	۱۶۹	۰,۷۶	۱۲,۴۸	۸,۴۰	"	زیتون دانه سی
	۵۱	۰,۳۶		۱۲,۰۵	"	الما
	۵۰	۰,۳۶		۱۱,۸۰	"	ارمرد
	۶۹	۰,۵۹		۱۱,۳۲	"	اوزوم
	۴۷	۰,۴۹		۱۱,۰۴	"	قیصی
	۳۲	۱	۰,۳۲	۶,۵۳	"	قاوون
	۲۳	۰,۳۵		۵,۰۵	"	قاریوز
	۲۶	۰,۷۳		۵,۵۴	بر عدد	پورتقال
	۳۷۰	۱۰,۷۶	۲,۹۰	۷۳,۰۴	۱۰۰ غرام	کستانه
	۲۲۱	۴,۰۱		۴۹,۷۹	"	قورو اینجیر
	۲۳۲	۲,۴۲		۵۴,۵۶	"	قورو اوزوم
	۶۸۳	۱۷,۴۱	۶۶,۶۰	۷,۲۲	"	فندیق
	۶۵۲	۱۵,۷۷	۵۷,۴۳	۱۳,۰۳	"	جوز
	۲۲۲	۰,۲۰	۰,۵۱	۶۱,	"	خورما

و يواش يواش مکتبلرده منطقه لرك نباتات و حيوانات قوللکسيونلرينك تشکلى تامين ايتمه لري ضروريدر .

مکتبلرک بو خصوصده کي فعاليتلرينک جديتله تعقيبي و ۲ - ۶ نجى ماده لرده موفقيتلري کوريلن مدير و معلملرک اسملرينک وکالته بيلديرلمسنى اهميتله رجا ايدهرم افندم .

معارف وکيلي ۱۹۲۷/۴/۱۲

مصطفى بحالى

حفظ الصحة دائره سى

۶۲۳۵ عمومى

۵۲ خصوصى

موضوع : طلبه صحت جدوللريه قالورى جدوللري حقنده

درسخانه لرده تعليق ايدنك اوزره طلبه صحت جدوللريه اعاشه قالورى جدوللري ربطاً كوتدرلشدرد . صحت جدوللري اورتا ، معلم مکتبلرليه ليسه لر ايچوندر . ايلك مکتبلرده ده تعميمي ايله تبليغى شايان توصيه در . صحت جدوللري ۹۲۷ سنه سى ايلولندن اعتباراً طوتيلاجق و ۹۲۸ سنه سنك حزينان غايه سنده هر مکتبدن طوپلاتديريلارق وکالته كوندريله جکدر افندم .

معارف وکيلي نامنه

نافع عطرف

حفظ الصحة دائره سى

۶۲۳۶ عمومى

۵۳ خصوصى

موضوع : مکتبلرده حفظ الصحة قواعدينه وعايت اولونماسى حقنده

مکتبلر يمزك اكر يسنده حفظ الصحة قواعدينه موجود وسائطاه اعظمى رعايت ايديلمكده اولدينى مع الممنونيه هر كون كورولمكده ايسه ده بعض مکتبلر يمزده بو جهتك آرزوق اهامال ايديلديكى ده مع الاسف واقعدر . آتيده كى حفظ الصحة اساسلري هر كسجه

معلوم اولان بر طاقم فنی حقیقتلر و قاعدهلردر . یالکیز بوقاعدهلر ساده جه بیلنمک ایچون دکل ، تطبیق ایدیلک ایچون وضع اولونمشدر . و تطبیق ایدیلهدیکهدده هیچ بر قیمتی حائر اولمایاجنی بدیهیدر . بو سیبله مکتبلریمزده اساساً معلوم اولان بوقاعدهلرک صوک درجهده اعتنا ایله تطبیق ایدیله سنی ایسته یورم . کنجلریمزده صحی اعتیادلر تشکیل ایتمک ایچون اونلری امکان درجه سنده صحی شرائط ایچنده یتشدیرمه مز لازمدر . بو قادار بسیط و هرکسجه معلوم اولان حفظالصحه قاعدهلرینک تطبیقنده اهل کوستریلدیکی تفتیش نتیجه سنده ثابت اولان مکتب ادارهلرینک پک آغیرمسئولیتلره دوچار اولاجقلری دائماً خاطرده طوتولمق لازمدر بونا کوره حرکت ایدیله سنی اهمیتله رجا ایدرم . افندم .

معارف وکیلی
مصطفی نجابی

- ۱ — بتون طلبه هر صباح اللریخی ، یوزلریخی ، بیقایاجق وادیشلریخی فورچا ایله تمیزله یه جکدر .
- ۲ — صباحلری اون دقیقه ادمان یاییلاجقدر .
- ۳ — هر طلبه هفتهده بر کون بوتون بدننی بیقایاجقدر .
- ۴ — درسخانه و یتاقخانهلرک زمینی غایت تمیز اولاجقدر و دائماً یاش بزلرله سیلنه جکدر . درسخانهلرده کاغذ قیرپنتیسی و دیگر سوپرونتو بولونمایاجقدر .
- ۵ — یتاقخانه نجرملری صباحدن آقشامه قدر آجیق بولوناجقدر . یتاق چارشقلری اصغری اون بش کونده بر دفعه دکشدیریله جکدر .
- بطانیه و یورغانلر دوت کونده بر کونشه معروض براقیلاجقدر .
- ۶ — آبدستخانهلر غایت تمیز طوتولاجقدر و کیره چ قایماغی [قلورکلس] قونولاجقدر .
- ۷ — طلبه نک آبدستخانهلره کیروب چیقارکن تمیزلکه اعتنا ایتهلرینه دقت اولوناجقدر . — بالخاصه بعض ایلک یاتی مکتبلرینده کورولان یالین آباق آبدستخانهیه کیتمک کبی حاللره قطعاً مساعدده ایدیله مه ایدر . —
- ۸ — یمکخانهلرده صوک درجه تمیزلکه رعایت ایدیله جکدر . طلبه نک چاتال ، قاشیق ، ییچاق و طباقلری غایت صیجاق صودالی صو ایله تعقیم ایدیله جک بعده بیقاناجقدر .
- ۹ — طلبه یمکخانهیه کیرمه دن اول اللریخی و آغزینی لایقیله بیقامالیدر .
- ۱۰ — یمکخانهلر سنهده ایکی دفعه بدانا ایدیله لی در . یمک ماصه لرینک اوستلری غایت تمیز اولمالیدر . تخصیصات ماصه لرک اوستلرینه اورتو آلمغه مساعد دکل ایسه مشمع قابلاتیلمالیدر . بو موشامبالرک اوستلری هر یمکدن صوکره غایت تمیز سیلنه لیدر .
- ۱۱ — یمکدر مغدی ، متنوع و ایی طبع ایدیلش اولمالیدر . طلبه یه آراضیرا جویر ، اینجیر ، بادم ، اوزوم ، قندیق کبی قورو یمشلر ویریله لیدر . اوکله یمکارنده هفتهده اوج کون یشیل ، صالاطه ، طورپ ، بتانس و فاصولیه صالاطه سی کبی اشتها آچان صالاطه ل

- وېرېلەيدىر . طابەلار ك تنظيمىدە طلبە يە محتاج اولدۇقلىرى قالدۇرى يى تامىن ايچون
وېرېلەيىلە جك مواد غدايىە نك قالدۇرىلغى كوستېر بر جدول دە لقا كوندە رېلىشدر .
- ۱۲ — غدارك ابى هضم ايدېلەسى ايچون يىكرك ياواش يىنەسى ضرورى اولدۇقندن يىك زىماتى
كىنىش براقق لازىمدر . طلبە يە [بالخاصە يانى مكىتېلرندە معلملر طلبە يە يىك آدابى
اوكرەتمەيدىر .] يىك زمانلرندە نشەلى اولەك فائىدەلرى آكلاتىلمايدىر .
- ۱۳ — تىفسخانەلر غايت تىمىز اولمايدىر . باغچەلر صىق صىق صولانوب سوپروملەيدىر . باغچەك
مخلف يىلرندە مضبوط سوپرونتو قوطولرى بولونمايدىر .
- ۱۴ — مكىتب رەدوېرلرندە بوكسك حمالى اوزون سورەن خستەلقلرە مبتلا چوجقلىك بر موجب
تەلىماتنامە ياتىرىلمالىرى جاژ دكلدر . بوللىرى مطلق شەر خستەخانەلرېنە سوق ايتلىدۇر .
- ۱۵ — هر طلبە نك كىندىسە مخصوص حاولوسى بولونمايدىر .
- ۱۶ — طلبە تىفس زمانلرندە درسخانەدە بولوناماز ؛ درسخانە نچرەلرى تىفس زمانندە آچىق
طوتولمايدىر .
- ۱۷ — آربچە كوندە رېلە جك اولان نقتل جدوللىرى كوزلچە بر موقاووايە ياپىشدىرىلارق طلبە نك
دائىما كورەجكى مناسب برىحلە تەلىق اولوناجقدر . وەر آى طلبە مكىتب طبيىنك نظارتى
آلتىندە وزن ايدېلەرك نتيچەلر بو جدولە منتظماً يازىلاجقدر .
- ۱۸ — كىچە مطالعە خانەلردە ضيا كافى اولمايدىر . مكىتب طبيىلە بالمشاورە درسخانەلرك وسعتە
كورە لامبا وضع اولوناجقدر .

..

تعليم و تربيه دائرهسى

۲۱

امینلەر

تل

تبليغلىرىمىچىمۇ سىنىك ايلك تدرىسات مفتشلىرىلە
مخصوص : قضا معارف مأمورلىرى . وېرېلەسى حقندە

وكالت تبليغلىرىمىچىمۇ سىنىك ايلك تدرىسات مفتشلىرىلە قضا معارف مأمورلىرىلەدە برر
نسخە سىنىك وېرېلە سنى قأمیناً هر معارف اداره سىنە قاچ نسخە كوندريلمەسى ايجاب ايتدىكنك
تلفرافلە اشعارى

۱۹۲۷/۴/۱۰

معارف وكىلى نامە
مستشار

نافع عطوف

انشآت داوره سی

۱۳۱ خصوصی

بالعموم مکتب بنالرنده تعدیل ، توسیع ، علاوه صورتلریله یاپیله جق حرکات انشائییه استحصال مساعده ضمننده وقوعبولاجق مراجعتلرایچین شرائط آتییه تبعیت لازمدر .
۱ — اولاً یاپیله جق عملیات انشائییه بی مؤسسه نك هیئت عمومیه پلانی اوزرنده کوستره ن برپلان احضار ایدیله جك مثلاً بر قونفرانس سالونی علاوه سی دوشونیلیور . سالون صول طرفده بریره مناسب کورولمشدر . فقط بلکه وکالت بو سالونك دیگر برجهتنه انشائی مناسب کوره جکدر .

۲ — بعده اصل عملیات انشائییه نك جربان ایده جکی قسمه کچیلرک بونك قات پلانلری ، مقطعلری ، جبهه سی ۱۱ مقیاسنده یاپیله جق واشبو رسملرده یکی قسملرک اسکیلرله صورت التصاق و امتزاجی و آخر صورتلرله وجه مناسبتی کوستریلرله جکدر . بو شرائطله رعایت ایدلمی وعکسی تقدیرده وکالته وقوعبولاجق تکلیفاتده ظهور ایده جك مشکلات مسئولیتی معارف ومکتب مدیرلرینه عائد اوله جنی تعمیم اولنور افندم .

۱۳ نیسان ۹۲۶

معارف وکیلی نامنه
مستشار

نافع عطرف

بالعموم معارف امینلکرینه

مکتب انشآتی حتمنده تثبیت
اولونان سؤالره
ملاحظه :

پروفیسور موسیو نه غنیک منطقه کزده یکی یاپیله جق هر مکتب انشآتی ایچون تثبیت ایتدیکی مربوط ایسته لرده کی سؤالره اعظمی اون بش کون ظرفنده وکالنده بولمق اوزره آیری آیری تسریع جوابی تعمیماً تبلیغ اولنور .

معارف وکیلی نامنه
مستشار

نافع عطرف

۱ — زەرلرده مکتب بايلاقچدر ؟

هانكى ولايتده

هانكى شهرده ؟

۲ — موقعك احوال اقليميهسى ناصلدر ؟

ياز

قيش

ياغمور

روزكار ؟

۳ — محليده هانكى انشاآت مالزهمسى قوللانير و آلده ايديلير ؟

۴ — معلوم ومعين برياني یری موجودميدر ؟

بویر صاتون آلمش ويا تصميم ايدلمشميدر ؟

۵ — ياني یری نه قدر بويوکدر ؟ و بویرك شكلي و وضعيتي ناصلدر ؟ دوزمي ، ميللي مي ؟

سطح بچردن اولان ارتفاع نه در ؟

وضعيتي ناصلدر ؟

جاده لر ناصلدر ؟

۶ — ياني یرينك بوندن باشقه نه کي اوصافي واردر ؟

زمين نه دن عبارتدر ؟ زمينك طبيعتي آ کلامق ايچون متعدد برلرده قويولر آچيلارق باقيلمشميدر ؟

(سونداژ) و بونلر زەرلرده ياپيلمشدر ؟

صو يقندهميدر ؟

صويك نه کي خواصي واردر ؟

معينه و تحليل کيميو ي نه يي کوسترييور ؟

برقنايراسيون موجودميدر ، و بوقانايراسيون ناصلدر ؟

حاکم اولان روزكار استقامتي هانکيسيدر ؟

الکتريق تنويراتي وارميدر ؟

ياني یری ، صو طغياني تهلكه سنه معروضميدر ؟

۷ — ياني یرينك محيطي ناصلدر ؟

يقينده بطاقيق اراضي وارميدر ؟

يقينده فابريقه لر موجودميدر ؟

يقينده کورواتو ياپان مؤسسات وارميدر ؟

بويوک طرق مواصله موجودميدر ؟

واسع مقياسده طوز انتشاري وارميدر ؟

۸ — مکتب هانكى مقصده خادم اولوبور ؟

۹ — مکتب قاج صني احتوا ايديبور ؟

۱۰ — برصنف قاج طلبه يي استيعاب اتمه ليدر ؟ ۴۲ ياخود ۴۸ وياخوخ ۵۴ ؟

۱۱ — جوجوق باشنه اوج الى دوت مترو مكهي حچمندن فضله هوا قبول ايتك ايچون
برسب موجودميدر ؟

۱۲ — قيز وارلك جوجوقلري ايچون مشترك تدريسات وارميدر ؟

۱۳ — بنا ، دها هانكي محلى احتوا ايتمه ليدر ؟

فيزيك سالونى ؛

كيميا سالونى ،

بوكا عائد لابواتوارلر ،

بوكا عائد وسائل تدرسيه اوپهسى ؛

رسم سالونى ؛

ال ايشلري سالونى ،

بوكا عائد وسائل تدرسيه محلى ؛

غنا (موسيقى) اوپهسى ؛

ژيمناستيكخانه مع غارديروب ؛

مدبر اوپهسى وانتظار سالونى ؛

معلم مجلسى اوپهسى ،

معلم اوپهسى ، عدد ؟

معلم كتيخانهسى ،

معلم مطالعه اوپهسى ،

آيريجه قاج دانه وسائل تدرسيه اوپهسى لازمدر ؟

۱۴ — مكتب ليلي اولاجقميدر ؟

۱۵ — يناقخانهلر قاج جوجوق ايچون تأمين ايدلمش اولميدر ؟

۱۶ — بوندن باشقه نهكي يرلر لازمدر ؟

آ - مطبخ ،

ب - يمكخانه ،

ج - طلبه مطالعه اوپهسى ،

د - بانيو ،

ه - مراسم سالونى مع صحنه ،

۱۷ — قاج معلم اقامتكاهى لازمدر ؟ آ - اقامتكاه قاج اوپهلى ، مطبخ ، بانيو آبدستخانه

خارج اولاجقدر) ب - مدير اقامتكاهى قاج اوپهلى ؟ (بانيو مطبخ ، آبدستخانه خارج اولاجقدر)

۱۸ — تدريسات كونك هانكي وقتنده ياپيلور ؟

۱۹ — مكتب ايچون قاج معلم لازمدر ؟

۲۰ — انشاآت ايچون هانكي مقام پارا ويره جقدر ؟

۲۱ — انشاآته تخصيص ايديلهك پارا مقدارى ندر ؟

۲۲ — انشا آته نه زمان ابدار ایدملیدر ؟

۲۳ — بوندن باشقه مطالعات وملاحظات .

..

تعلیم و تربیه دائره سی

۲۷۵۳ عمومی

۲۴ خصوصی

..... منطقه سی معارف امینلکنه

بعضی برلرده معلم برلکری طرفندن نشر اولونان
مجموعه لر حقنده

بعضی ولایت مرکز لرنده معلم برلکری طرفندن مجموعه لر نشر ایدیلکنده و بونلره معلم لر من یازی یازمقده درلر. آنجاق بو یازیلرک بر قسمک محرر لرینک بیلدیگری موضوع خارجه چیقدیغی ایچین فاحش خطاری محتوی اولدیغی کورولمکنده در. شیمدیگ مثال ذکرینه لزوم کورمه یورم بناء علیه بو مجموعه لرک مملکته فائده لی اولایلمه سی ایچین هر محررک چوق ابی بیلدیگی موضوع اوزرنده یازی یازماسی ، بالخاصه ولایتلرده چیقان بو مجموعه لرک محلی خصوصیتلری کوستیر مقاله لری احتوا ایتمه سی لازمدر. هر محررک معلومات فروشلقدن زیاده قارئلرک علمی سویه سنی ومطالعه احتیاجنی دائماً کوز اوکنده بولوندورارق اونلره فائده لی اولایلمه جک موضوعلری انتخاب ایتمه سی و بو صورتله صرف ایدیلن املک و مصرفک خیرلی نتیجه لر ویرمه سی خصوصنده آرقاداشلره لازم کان وصایاده بولونولماسنی رجا ایدهرم افندیم .

۱۹۲۷/۴/۲۰

معارف و کبلی

مصطفی نجالی

..

ایلك تدریسات دائرہ سی

۷۳۳۰ عمومی

۱۸۲۵ خصوصی

..... منطقہ سی معارف امینلککنہ

مخصوصہ : یتیملر کونشدہ یاپیلاجق ووزت توزیعاتی
حقنندہ

۲۳ تموز یتیملر کونیدر. ۱۹۲۵ تاریخخہ قادار او کوندہ روزت توزیعی صورتیلہ جمع اولونان اعانات ملغا دارالایتاملر بودجہسنہ ایراد قید ایدلمکده ایدی. شہریاتی مکتبی اسمنی آلان دارالایتاملرک وکالت بودجہسندن اداره اولونمغہ باشلادیغی ۱۹۲۶ سنہسندن اعتباراً بو اعانہ حمایہ اطفال جمعیتنہ ترک ایدیلشدر. ییچارہ وکیمسہسز قالان وطن یاورولریخی حمایہسی آلتنہ آلان، بونلری باقوب، بسلہیہن، وکیدیہن، سختلریلہ علاقہدار اولان مذکور جمعیتک درعہدہ ایدہحکی وظیفہدہ موفق اولہبیلیمہسی بر چوق مصرفی استلزام ایتمکدهدر. تورک ملتک متعارف اولان شفقت و مروتنہ استناد ایدن بو جمعیت نامنہ وقوع بولاجق اعاناتک اکثریسی استقلال وطن. ایچون استحقار حیات ایدہن شہید قردہ شلریمزک چوجوقلرینہ عائد اولدینی تأمل ایدیلہرک بو خصوصہدہ اعظمی غیرت و فعالیت کوستریلسی و روزت توزیعی و مسامرہ ترتیبی وصور سائرہ ایلہ جمع اعانات ایچون شیمیدین حاضرلقده بولنلمسی خصوصک ایجاب ایدہنلرہ تبلیغنی رجا ایدہرم افندم.

۱۹۲۷/۴/۲۴

معارف وکبلی نامنہ

منشار

نافع عطف

معارف امینلکارینہ

ایلك تدریسات دائرہ سی

۱۸۴۵ عمومی

۷۴۲۹ خصوصی

مخصوصہ : مکتبلرک قرطاسیہ احتیاجلرینہ
دائرہ

مصارفی موازنہ عمومیہ داخلندہ تسویہ ایدیلکده اولان مکتبلرک قرطاسیہ احتیاجلرینک

مالیه و کالتندن تائینی فرطاسیه تعلیماتنامه سی احکامندن اولدیمی جهتله ایجاب ایدهن طلبنامه سی تنظیم و احتیاجات مذکوره تائین ایدیلک اوزره منطقه کز داخلنده بولنان و مصارفی موازنه عمومیه داخلنده تسویه ایدیلن بالعموم مکتبلرک برسنه لک احتیاجلرینی مبین برر قطعه دفترک تنظیم ولوازم قرطاسیه نک و قتیله تدارک ایدیله بیلمه سی ایچون نهایت حزیرانه قدار مرکز ارسالی متمنادر افندم .

معارف وکیلی نامنه

۱۹۲۷/۴/۲۵

مستشار

نافع عطفوف

..

۷۶۳۶ عمومی

۲۴۸۳ خصوصی

..... منطقه سی معارف امینلکنه

موضوع : امتحان تعلیماتنامه سی حقننده

یکی امتحان تعلیماتنامه سنک موقع تطبیقه قونولماسی اوزرینه ثلثان مدت دوام و سائر حقننده بعض یرلردن استیضاح و مراجعتلر واقع اولماقده در . بناء علیه موجب تردد احوالده آشاغیده ماده لر داخلنده حرکت اولونماسینک تعمیمنه لزوم حاصل اولمشدر . منطقه کز داخلنده کی لیسه لرله اورتا و معلم مکتبلرینه تبلیغی مرجودر افندم .

۱۹۲۷/۴/۲۸

معارف وکیلی

- ۱ — ثلثان مدت دوام قیدی تعلیماتنامه موجینجه باقیدر .
- ۲ — برنجی یوقلامالردن سوکرا کلدکلی ایچین یوقلامالری یایلامایان و ثلثان مدتی طولدوران طلبه نک ، برنجی یوقلاما زمانه قدر دیگر آرقداشلیرینک کوردکاری درسلردن و معلملری طرفندن یایلاجق یوقلاماده قازاناقلری نوسرولر برنجی یوقلاما نوطی اولاجقدر .
- ۳ — طور حرکت نوسرولرینک تثبیتنده ده دیگر درسلرده اولدینی کبی ۵ نوسرو اساسی و مقیاس اتخاذ اولوناجقدر .
- ۴ — شهادتنامه لرک تنظیمنده ، طلبه نک کچن سنه لرده قازاندقلری نوسرولرک نصی آلیناجق بالکیز نصف و نصفندن فضله اولورسه طلبه لهنه واحده ابلاغ ایدیله جکدر .

مثلاً - اون نومروسی اولان بر طلبه ه سکر نومروسی اولان ۴ یدی نومروسی اولان کندا
۴ نومرو آلمش عد اولونا جقدر .

∴

..... منطقه سی معارف امیندکنه

اورتا تدریسات دائره سی

۷۸۰۲ عمومی

۲۵۲۱ خصوصی

مهمه : معلم مکتبلرندن مآذون اولاجق
طلابه نك سجل خلاصه لری حقنده

معلم مکتبلرندن یکی چیقان معلملرک تعیین اولندقلری محللر معارف اداره لر نجه وضعیت عمومی
ومسلکیه لری حقنده الده هیچ بر معلومات موجود اولمادیغی ایچین معارف اداره لری کندی لرندن
نرملرده و نه شکله استفاده ایده بیله جکلرینی درپیش ایتمه دن کلشی کوزهل تعیین ایتمکده
و بصورتله اومعلمک حقیقی قیمتی آ کلاشیانجه یه قادار آرادن خیلی بر زمان کچمکده در.
بوکا محل براقیلما مق اوزره معلم مکتبلری تعلیمات نامه سنک ۱۲ نجی ماده سنک ۱۱ نجی فقره سی
موجب نجه تنظیمی ایجاب ایدهن مخطرهلرک اساسی بو صورتده و وقتنده تنظیم و طلبه نك
دوسیه سننده محافظه اولونمسی و ۷۵ نجی ماده یه توفیقاً طلبه نك مکتبدن نشأتی متعاقب
تعیین قیلنه جغی منطقه نك معارف اداره سنه تودیع اولونمق اوزره وکالته ارسالی لازمدر .
ایفای مقتضاسنک مکتب مدیر لکلرینه تبلیغی رجا اولونور افندم . ۱۹۲۷/۴/۳۰

معارف وکیل نامنه
مستشار

نافع عطرف

∴

..... منطقہ سی معارف امینلکنہ

اور تا تدریسات دائرہ سی

۷۸۰۳ عمومی

۲۵۲۲ خصوصی

تہذیب و تادیب جدوللرینک طوغریبہ
وکالتہ ارسالی حقنہ

مکتلرہ ہر آی تنظیم ایدلمکدہ اولان تحقیقات وتادیات جدوللری بعض مکتبلردن
دوغرودن دوغرویہ وکالتہ کوندہ ریلیمکدہ وعین جدول امینلکلردن دہ کلیمکدہ درکہ ،
بوکرک وکالتک وکرک مکتبلرک معاملاتی فضلہ لاشدیر مقمدہ در . بونک ایچین تحقیق وتادیب
جدوللرینک مکتبلردن بعدما دوغرودن دوغرویہ مقامکزہ ارسالی وسزحہ تدقیق اولندقدن
صکرا وکالتہ کوندریلمہ سی تنسیب ایدیمشدر . کیفیت تعمیماً تبلیغ اولونور افندیم .

۱۹۲۷/۴/۳۰

معارف وکالتی وکیل نامہ
مستشار

نافع عطرف

دولت خدمات و مؤسسانده عدم استخدامنه هیئت مخصوصه به قرار ویریلنار:

منطقه سی معارف امینلکنه

سجل و مأمورین دائره سی

۶۴۰۲ عمومی

۲۱۰۹ خصوصی

مخصوصه : علی رضا افندینک عدم استخدامی حقنده

قره برون قضاسی طاپو مأموری علی رضا افندینک اشغال اثناسنده یونانلیلرک تأثیر و نفوذیه قوج قضاسی نفوس مأمورلغنه کتیرلیدیکی و مأمورین مذکورینی « نام نامی » قرال قسطنطین جناب فخیمانه لرینک قانون اساسنه الی الابد صادق قالمق اوزره « ایفا ایتدیکی بالذات امضاسی تحتنده ویرمش اولدیغی مذکره دن آ کلاشلماغله ۸۵۴ نومرولو قانونک برنجی ماده سی موجبینجه بردها دولت خدمت و مؤسسائنده عدم استخدامنه هیئت مخصوصه جه قرار ویرلیدیکی داخلیه وکالتی مأمورین مدیرینک $\frac{۱۴۵۳}{۱۰۱۲}$ نومرو و ۲۷ مارت ۱۹۲۷ تاریخلی تعمیمندن آ کلاشلمشدر تعمیماً تبلیغ کیفیت اولونور افندم .

۱۹۲۷/۴/۹

معارف وکیل نامنه

مستشار

نافع عطفرف

T. G.
HAARIF VEHALETI
YAYIM MÜDÜRLÜĞÜ
ARŞİV
KÜTÜPHANESİNE

منطقه سی معارف امیندکنه

سجل و مأمورین دائره سی

۶۴۰۲ عمومی مکرر

۱۱۱۰ خصوصی

موضوعه : جلال الدین افندینک عدم استخدامی حقنده

بروسه ولایتی سیار صحیه مأمور سابق الیوم آناتولو شمندوفر اداره سنده مستخدم بولونان مصطفی راغب مخدومی جلال الدین افندینک بروسه ک یونان اشغالی آلتنده بولوندینی زمان یونانلیرله تأسیس صمیمیت و مناسبت ایدهرک بالدیزینی دخی یونانلیرله تشریک حیات ایتدیردیکی و یونانلیرک شهردن فراری اثناسنده اونلرایله برلکده فرار ایتدیکی و بوسورتله آمال ملییه مخالفی آ کلاشیلدینی جهتله ۸۵۴ نومرولو قانونک برنجی ماده سی موجبنجه بردها دولت خدمت و مؤسساتنده عدم استخدامنه هیئت مخصوصه جه قرار ویرلیدیکی داخلیه وکالتی مأمورین مدیرینک $\frac{۱۴۵۲}{۱۶۳}$ نومرولو تعمیمندن آ کلاشلمشدر. تعمیماً تبلیغ کیفیت اولونور افندم.

معارف وکیل نامنه
مستشار

نافع عطف

..

منطقه سی معارف امیندکنه

سجل و مأمورین دائره سی

۶۴۰۲ عمومی مکرر

۲۱۱۱ خصوصی

موضوعه : اسعد سزائی بکک عدم استخدامی حقنده

افینه قائممقام اسبق اسعد سزائی بکک ۳۳۵ سنه سنده لوله برغوس قائممقامی ایکن

اسلاملره قارشى بارد معاملاتنه مقابل روملره فوق العاده طرفه كبرانه حركت ايتديكى يونان قومانداننه مراجعتله مسلمانلرك موهوم تجاوزاتنه قارشى معاونت طلب ايتديكى يونانستانه كيدنه روملردن طورغود بك قريه سنه عودت ايدهلرى قبول ايلديكى ومقدما مهاجرين اسلاميه يرلشديريلان خانه لرى روملره اعطا ايلديكى روم وارمنيلرك طلبلى اوزرينه مسلمانلرك مشروع ماللرني جبراً اخذايلا مرقوم طالبلره ويرمش اولدينى واهالى اسلاميه بهتان ايتديكى كي بالاخره نقل ايدلديكى اذينه قائممقاملغندن بدايه آنزاوورك قريه ورودنده خانه سنده اجنماع عقد ايتدكلرى واذينه نك اشغالندن صوكره قائممقام موسى اليهك يونان قومانداننه سال جديدي تبريك يولنده تلغراف كشيده ايتك ويونان اونباشيسنك وفاتندن دولايي مقام نامنه تاثيراتى كال تأسفله بيان ايتك ويونانليره فضله به تقرب ايتك صورتيه اهالى مسلماني رنجيده وآمال مليه به مخالف حركت ايتديكى آكلاشيلديغندن ۸۵۴ نومرولو قانونك برنجى ماده سى موجبجه بردها دولت خدمات ومؤسساستنده عدم استخدامنه هيئت مخصوصه جه قرار ويرلديكى داخله وكالتى مأمورين مديريتلك ۱۴۴۹/۱۶۴ نومرو ۲۷ مارت ۱۹۲۷ تاريخلى تعميمندن آكلاشيلمشدر. تعميماً تبليغ كيفيت اولونور افندم.

۱۹۲۷/۴/۹ معارف وكالتى وكبلى نامنه

مستشارى

نافع عطرف

..

منطقه سى معارف امينلكنه

سجل و مامورين دائره سى

۶۴۰۲ عمومى مكرر

۲۱۱۲ خصوصى

مهمه : صبرى ، جال ، ابراهيم ، صالح وادهم
افنديك عدم استخداملى حقنده

ازميرده بورنوووده زراعت مكاتبى محاسبه جيسى صبرى افنديك اشغال ائناسنده يونان حكومتلك خدمتى قبول ايدهرك تبه كويده يونانليره ترجمانلق وكاتبلك خدمتى ايفا

ایندیکی ، حالا مشهد قریه سنده اختیار اقامت ایدن معزول جمال افندیڭ ینه اشغال زماننده یونانلیلر طرفندن تپه کوی املاک ملیه سینه کاتب تعیین ایدلدیکی والیوم قره برون محکمه سنده ضبط کاتبی ابراهیم افندی ایله بایندر طاپو کاتبی صالح افندیڭ یونانلیلرک تنسیبی ایله ابراهیم افندیڭ نفوس کتابتنده وصالح افندیڭ طاپو مدیریته تعیین واعزام قلندقلری ، اورله زراعت باتقسی وزنه داری ابراهیم افندیڭ ینه اشغال زماننده برمدت نفوس کتابتنده استخدام ایدلدیکی آ کلاشلدیغندن صبری ، جمال ، ابراهیم ، صالح وادهم افندیلرک ۸۵۴ نومرولو قانونک دردنجی ماده سی موجبجه بردها دولت خدمت ومؤسساتنده عدم استخدامنه هیئت مخصوصه جه قرار ویرلدیکی داخلیه وکالتی مأمورین مدیریته ۱۴۵۱/۱۹۰۱ نومرو ۲۷ مارت ۱۹۲۲ تاریخلی تعمیمندن آ کلاشلمشدر . تعمیماً تبلیغ کیفیت اولونور افندم .

معارف وکیلی نامه ۱۹۲۷/۴/۹

مستشار

نافع عطف

..

منطقه سی معارف امینا کنه

سجل ومأمورین دائره سی

۶۵۲۴ عمومی

۲۱۶۵ خصوصی

موضوع : مصطفی افندیڭ عدم استخدامی حقنده

قوای ملیه نك هنگام تشکله صامسوندن استانبوله فرار ووحیدالدینک سراینه دخالت ایله آمال ملیه یه مخالف حرکتده بولوندقدن صوکره وحیدالدین ایله برابر حدود ملی خارجنه فرار و بالاخره عفودن بالاستفاده گلش اولان صامسون امراض زهرویه خسته خانه سی اداره مأموری صامسونلی حاجی اسماعیل زاده شوقی افندی مخدومی مصطفی افندیڭ کوندردیکی مدافعه نامه ده انکلیز سفارتخانه سینه التجا ایله انکلیزلرک واسطه سیله فرار ایلدیکنی وبالاخره عفو عمومیدن بالاستفاده کلدیکنی اقرار واعتراف ایتمه سینه مبنی

۸۵۴ نومرولو قانونك برنجی ماده سی موجبجه بردها دولت خدمت و مؤسساستنده عدم استخدامنه هیئت مخصوصه جه قرار ویرلدیکی داخلیه وکالتی امنیت عمومیه مدیریتك $\frac{۱۳۱۵۴}{۵۰۶۷}$ نومرولو تحریراتیله بیلدیرلمشدر. تعمیماً تبلیغ اولونور افندم. $\frac{۱۳۱۵۴}{۵۰۶۷}$ ۱۹۹

معارف وکالتی وکیل نامنه
مستشار

نافع عطف

منطقه سی معارف امیندکنه

سجل و مأمورین دائره سی

۶۵۲۴ عمومی مکرر

۲۱۶۶ خصوصی

موضوعه : محمد ذکی افندیك عدم استخدامی حقنده

ازمیر پولیس مدیر اسبقی بوسنه لی ۲۸۹ تولدی محمد ذکی بن محمد حلیم افندیك ازمیرك یونانلیلر طرفندن اشغالندن سوکره ازمیر پولیس مدیریتی وکالتنه تعیین اولونوب بالاخره اصالت مأموریتی اجرا قلندینی و یونان قومیسرلکك نک نصوبی ابله ایواجیق قائم مقاملغنه تعیین اولونوب ایشه باشلادینی و بالاخره تعیین واقع ملغا داخلیه نظارتجه تصدیق قلندینی و اساساً آمال ملیه یه مخالف اولدینی اوراقلك تدقیقندن آ کلاشلمش اولمغله ۸۵۴ نومرولو قانونك برنجی و دردنچی ماده لری موجبجه بردها دولت خدمت و مؤسساستنده عدم استخدامنه هیئت مخصوصه جه قرار ویرلمش اولدینی داخلیه وکالتی امنیت عمومیه مدیریتك $\frac{۱۳۳۲۸}{۵۰۹۹}$ نومرولو تحریراتیله بیلدیرلمشدر. تعمیماً تبلیغ کیفیت اولونور افندم.

معارف وکالتی وکیل نامنه
مستشار

نافع عطف

..... منطقه سی معارف امیندکنه

سجل و مأمورین دائره سی

۶۶۳۲ عمومی

۲۱۸۴ خصوصی

موضوع: حسین عزمی بک عدم استخدای حقنده

طربزون پوسته و تلغراف باش مدیر اسبقی حسین عزمی بک قوای ملیه نك تشكلی اثناسنده وبالخاصه ارضروم و سیواس قونغرملری اجتماعلندن صوكره قوای ملیه مخبراتی توقیف ایتك صورتیله بالفعل آمال ملیه به مخالفتی آ کلاشیلدیغندن ۸۵۴ نومرولو قاتونك برنجی ماده سی موجبنجه بردها دولت خدمت و مؤسساستنده عدم استخدایه هیئت مخصوصه جه قرار ویرلدیکی پوسته و تلغراف مدیویت عمومیه سنك ۵۶ نومرو و ۱ شباط ۱۹۲۷ تاریخی تحریراتیله بیلدیرلشدر. تعمیماً تبلیغ کیفیت اولونور افندم.

معارف و کاتی وکیلی نامه ۱۹۲۷/۴/۹

مستشار

نافع عطف

مدیرلرائجی قرارلری

قرار نومرسی : ۵۱

قونیہ ایلك مكتب معلملرندن ولی صبری افندیك دوام خدمتندن فائده مامول اولماياجنی قناعتيله امینلكجه تقاعده سوق ایدلمش و مومی الیه بو تقاعد قرارینك تمیزاً تدقیقی طلبنده بولونمشدر. تکرار تدقیق و بر قراره ربط اولونمق اوزره سجل و مأمورین مدیرلكنك ۲۲۶۴ نومرو و ۱۹۲۷/۴/۱۶ تاریخی تذکره سی اوقوندی .

ولی صبری افندیك تقاعده سوق اولونماسنك سببی اصول تدریسه واقف اولمامسی، طلبه سنه بر شی اوکره ته مه مسیدر . بو خصوص ایلك تدریسات مفتشنك راپوريله ثابت اولمش و مومی الیهك فی مابعد خدمتندن استفاده ایدیله مه مسی تأمل اولونارق تقاعد معامله سی اجرا اولونمشدر. بو اعتبارله حقنده ویریلن امینلك قراری دوغرودر. آنجق مکرراً تعمیم ایدیلدیکی وجهله وکالته طأد بر حق اولدیغندن امینلرك معامله تقاعده سی اجرا ایدیله جك معلمه طأد اوراقی وکالته کوندرمه لری خصوصنك تأمین و کیفیتك محله تفهیمی ضمننده اوراقك سجل و مأمورین مدیریتنه تودیعی قرار بیر اولدی .

۱۹۲۷/۴/۲۵

وليات انضباط قومبوني قرارلى:

قرار نومردى : ۴۸

مەزمۇنى : كانبوى اورتا مەكتەپ مەدرى كالى بىكك
تەلپىنى ھەققىدە

2 كانبوى اورتا مەكتەپ مەدرى كالى بىكك وظيفەسىنى تام بىر آھىنكە ايفا ايتدىكى تەفتىش نەتىجەسىدە آ كلاسشېلىدىغىدىن ھەققىدە بىر قرار اتخاڭىنە دائىر اورتا تەدرىسات مەدرىلكىنىڭ ۱۹۷۱ نومۇرو ۱۹۲۷/۳/۲۷ تارىخلى تەزكىرەسى اوقۇندى . مەكتەپكە مەدرى . نواقىسە رەغما مەكتەپ ھەيئەت ادارەسىنىڭ مەتواضعانە و تام بىر موفقىتەلە چاايشدىنى و بو آھىنكە تاسسىنە يكانە سائىق مەدرى كالى بىكك اولدىنى آ كلاسشېلىدىغىدىن تشكىلات قانۇنىنىڭ ۱۵ نەچى مەدرەسى مەرجىنە بىر تەقدىرنامە ايله تەلپىنى و كىفەيتكە كەندىسە تەھىمى ھەققىدە اوراقك اورتا تەدرىساتچە كورۇلدەكن سو كرا سەجلە تودىعى قرار كىراولدى .
۱۹۲۷/۴/۱۴

قرار نومردى : ۴۹

مەزمۇنى : بىر مەكتەپكە تەلىم ھەيئەتى ھەققىدە

بىر اورتا مەكتەپنى تەفتىش ايدەن مەفتش ەومى ھە و بىر بىكك مەكتەپ ھەيئەت تەلىمىيەسى ھەققىدە كى راپورلر بىلە اورتا تەدرىسات مەدرىلكىنىڭ ۱۹۷۰ نومۇرو ۱۹۲۷/۳/۲۷ تارىخلى تەزكىرەسى اوقۇندى .

مەفتشلىك راپورىنە و امىنلىك مەتالەسە كورە مەكتەپكە كى كچىمىزلىك يكانە سائىق ە خانمەك اولدىنى آ كلاسشېلىدى مومى الپھانك بو آھىنكەمىزلىك بىر آن اول ازالەسى اىچون

..... معلمی ب لیسه سی معلمی ک بکله و معلمی سه خانمک ده
مذکور لیسه معلمی سی خانملا بجایشلری اَلزمدِر معلمی ط بکه کلنجه
مومی الیهک بومکتبلردن قالدیرلمسی لازمدر نقل معاملهلرینک سرعتله انتاجی ضمننده اوراقنک
اورتا تدریسات مدیرلکنه تودییی قرار کیر اولدی .

۱۹۲۷/۴/۱۶

..

اشقیای مستأمنه دن اولدییی آ کلاشیلان
برمعلمک عدم استخدانه دائر

قرار نومرسی : ۵۰

..... معلم سابق سی افندینک اشقیای مستأمنه دن اولدییی وهیئت وکیلجه
تصدیق ایدیلن لیسته یه اسمنک داخل بولوندیغی آ کلاشیلدیغندن نه معارف امینلکنجه
استخدام ایدلمه مسنه قرار ویرلمشدر . مومی الیه مذکور قرارک تمیزاً تدقیقی ایسته دیکندن
تدقیق و برقراره ربط اولونمق اوزره ایلك تدریسات مدیرلکنک ۱۸۱ نومرو و ۹۲۷/۳/۲۳
تاریخی مذکوره سی اوقوندی .

..... معلمی سی افندینک وظیفه مسنه نهایت ویریله سنک سببی ع و د
قریه لرینی باصاراق اهلیدن جبراً پاراأخذ و سرقتی و ناحیه سندن ه زاده ط
افندینک خانه مسنه کیجه این سلاحی اولاراق تجاوزله پاراسرقتندن دولایی تحت توقیفه آلمش
اولماسی در . کرچه تأجیل تعقیبات قانوننه نظراً حقنده توقیف مذکوره سی استرداد ایدیلش
ایسه ده مومی الیه بولوندیغی محل محکمه سندن عفوایدیلدیکنه دائر بروشیقه ابرازاید مه مکده در .
بووضعیه نظر آامینلک انضباط قومیسو نیجه ویریلن قرار قومیسو نمز جه ده تصدیق اولونمشدر .
کیفیتک محانه تفهیمی ضمننده اوراقنک ایلك تدریسات مدیرلکنه تودییی قرار کیر اولدی .

۹۲۷/۴/۱۶

..

غیرمناسب حرکتلری کوردولن
برمعلم خانم حقنده

قرار نومرسی : ۵۲

و مکتبی ط معلمی سی خانمک مناسبات غیرلایقه ده بولوندیغی آ کلاشیلدیغندن حقنده
بر قرار اتخاذه دائر اورتا تدریسات مدیرلکنک ۲۱۹۰ نومرو و ۹۲۷/۴/۱۳ تاریخی
مذکوره سی اوقوندی .

س خانم جاسوسلقه متهم اولوب و . تبعید ایدیلن ع اسمنده بریسله مناسبت پیدا ایتدیکندن و کندیسنه ویریلن نصایحه رغماً بومناستی ادامه ده محذور کورمه دیکندن امینک طرفدن ایشدن ال چکدرلشد. ع نه اولان بعلاقه سنی مرقومك قضالردن بریسنه تبعید ایدیله جکنی دویدیغی زمان والی بکه و رسمی مقاماته مراجعتله تأخیر تبعیدی رجا صورتیه ابراز ایتدیکی سویله نیورسده مومی الیهانك فی الحقیقه والی بکه مراجعت ایتدیکی فقط بونك ع نه اولان علاقه سندن منبعث اولمایوب تبعید مسئله سنك علیه ناحق یره برچوق دیدی قودیلره سببیت ویره جکی ملاحظه سیله یاپلیدیغی ثابت اولمقده در . بناء علیه حقنده تنظیم اولونان اوراق تحقیقیه مثبت مدلل بر اساسی احتوا ایتمه دیکندن مومی الیهانك تشکیلات قانونك ۲۲ نجی ماده سی موجبجه و دن غیری یرلرده استخدای و کیفیتك محله تفهیمی ضمننده اوزاك اورتا تدریسات مدیرلکنه تودیعی قرار کیر اولدی .

۱۹۲۷/۴/۲۵

• •

نقوذ تذکره سنی ویا صورتی کوندرمه یین
موضوعه : بر معلم حقنده

قرار نومردسی : ۵۳

ص اورتا و س ایسه سی معلمی و بک نفوس تذکره سنی کوندرمه دیکندن حقنده بر قرار انخازینه دأر اورتا تدریسات مدیرلکنك ۲۲۴۵ نومرولو و ۹۷۷/۴/۱۱ تاریخی مذکره سی اوقوندی .

و بکک سنه لردنبری واقع اولان طلب و اخطاره رغماً نفوس تذکره سنی کوندرمه دیکی سجل و اورتا تدریسات مدیرلکنك مطالعاتندن آ کلاشیلدی. نفوس تذکره سنك اصلنی و صورت مصدقه سنی کوندرمکده تعلل ایدن مومی الیهك بو قرارك تاریخ تبلیغندن بالاعتبار اونیش کونه قادار کوندرمه دیکی تقدیرده در حال وظیفه سنه نهایت ویریه جکنك کندیسنه تفهیمی ضمننده اوراقك اورتا تدریسات مدیرلکنه تودیعی قرار کیر اولدی .

۹۲۷/۴/۲۵

• •

قرار نومردسی : ۵۴

موضوع : بر ایلک تدریسات مفتشی ایلک مکتب
مدیری آراسنده کی اختلافه دائر

س ایلک تدریسات مفتشلرندن و بک ایلک ارکک مکتب مدیری ل بکله
غاوغا ایتدیکنندن هر ایکی ذات حقنده بر قرار اتخاذه دائر ایلک تدریسات مدیرلکنک
۲۱۶ نومرولو و ۲۷/۴/۱۱ تاریخی مذکره سی اوقوندی .

ل بکله مفتش و بک آراسنده اوتهدنبری موجود اولان برودت ل بکک و بک قارش
اعتمادی سلب ایتش و و بک مکتبی تفتیشه کلیدیکی زمان مومی الیهک مخالفت و مضاربیه سیله
بو برودت حاد بر دورمه داخل اولمشدر . حقلرنده تنظیم اولوبان اوراق تحقیقیه مفادینه
نظراً ل بک و بکک تفتیش اشبثنی خیرچینجه بر صورتده قارشیلایم و مومی الیهده بر
مفتشک موجود اولماسی لازم کان سکون و اعتدال دن آریلار ق محاصم بروضعیه دوشمشدر .
هر ایکی ذاتک مسلکک وقاریله متناسب اولمایان حرکتلری فی مابعد او محیطده فعالیتده
بولونمالرینه مانع اولدیغندن حقلرنده امینلکجه ویریلن قرار موافق کورولورک و بکک
تشکیلات قانوننک یرمی ایکنجی ماده سی موجبجه منطقه سنک تبدیلی و ل بکک یینه قانونک
۱۲ نجی ماده سنه کوره معلمکده استخدامی و کیفیتک محلنه تفهیمی ضمننده اوراقک ایلک
تدریسات مدیرلکنه تودییی قرار کیر اولدی .
۱۹۲۷/۴/۲۵

قرار نومردسی : ۵۵

موضوع : غیرقانونی تعیین ایدیلن بر معلم حقنده

ع اورتا مکتبی معلمی س خانم اورتا تدریسات قانوننک نشرندن صوکر
بو مأموریه غیر قانونی اولاراق تعیین ایدیلدیکنندن حقنده بر قرار اتخاذه دائر اورتا
تدریسات مدیرلکنک ۲۲۴۶ نومرولو و ۲۷/۴/۱۶ تاریخی مذکره سی اوقوندی .

س خانم ۳۳۶ سنه سنده قیز معلم مکتبندن نشأت ایدوب تاریخ نشاتندن بالاعتبار
اوج سنه ه ایلک مکتب معلملکنده بولونمش و بالاخره ع قیز اورتا مکتبنک . . .
معلملکنه تعیین اولونمشدر . بر چوق طلبلردن صوکر ترجمه حال اوراقی کندیسنندن
آلتمش و ع اورتا مکتبنه کیفیت تعییننک غیرقانونی اولدیغنی تظاهر ایتمشدر . تعیینی معلل اولان
مومی الیه اساساً اورتا درجهده کی مکتبلرده موفقیت کوسترمه یین ایلک مکتب معلمی در . ایلک

مكتب معلملارندن داها زباده استفاده ايدلمسى قويماً اميد ايدلمكده اولديغندن كنديسنىك
ع معارف امينلىكى امرينه تركى وبوقراراك انفاذ واجراسى ايچون اوراقل اورتا تدرىسات
مديرلىكنه تودىيى قرار كير اولدى .
۱۹۲۷/۴/۲۵

موضوعه : برقاچ معلم حقننده ويريلن انضباط قويمى ونى
قرارلى حقننده

قرار نومردسى : ۵۶

ع مركز مکتبی معلملارندن سر خانم و ط بك امينلىكجه حقننده ويريلن قراراك تميزاً
تدقيقى طلبنده بولوندىقلارندن تدقيق وبرقراره ربط اولونمق اوزره ايلك تدرىسات مديرلىكنىك
قوميسيونمزه محول ۲۱۳ نومرولو و ۲۷/۴/۱۶ تاريخلى مذكرهسى اوقوندى .

ط افندى و سر خانمك ديكر بر محله تحويللارنى موجب اولان حر كتلى و مکتبی
باش معلمى ت افندى ايله معلم و كيلي سى خانمك مناسبات غير لايقهده بولوندىقلىنه دائر
.... معارف امينلىكنه و معارف مديرلىكنه امضاسى مکتوبلر كوندرمرك مسلكى آرقا .
داشلىرى چير كين بر موقعه دوشورمكه غيرت كوسترملريدر . مومى اليهمك بو حر كتلى
اعترافلىله ثابت اولمقدهدر . بو اعتبارله امينلىك انضباط قوميسيونجه ويريلن قرار از هر
جهت عادلانهدر .

ديكر معلملارندن ه و م مکتبی باش معلمى ت بكارك برلك هيئت اداره اتخابنده
كوستردكلرى طاشقين و محل آهنگ حر كتلى و ت بك راقى ايچديكنه دائر قوتلى بردليل
بولونماسنه مبنى حقننده مأمورين قانونىك اوتوز بشنجه ماده سنه استناداً ويريلن مجبورى
تحويل قرارى موافق اولماديغندن بوقراراك نقضى و كيفيتك محله تفهيمى ضماننده اوراقل
ايلك تدرىسات مديرلىكنه تودىيى قرار كير اولدى .
۱۹۲۷/۴/۲۵

موضوعه : امضالرى تقليد ايديلن معلملر
حقننده

قرار نومردسى : ۵۷

(س) اورتا مکتبی معلملارندن ه ، ر ، ه ، ه خانملرله ل و مكتب مديرى ع
بكارك . . . معلمى ك بك بوردروده امضالرى تقليد ايتديكنى بيلدكلرى حالده بونى

سوء نیتہ حمل ایتمہ یرک سکوت ایتدکری آ کلاشیلدیغندن حقلرندہ بر قرار اتخاڈیتہ دائر
اورتا تدریسات مدیرلکنک قومیسسیونمزمہ محول ۲۲۴۲ نومرو و ۱۶/۴/۳۷ تاریخلی
مذکرہ سی اوقوندی .

... معلمی ل بکک اوتہ دئیری مدیردہ داخل اولدیغنی حالده معلملرندن ، ، ، ،
ه خانم و ل بکک امضالریغنی تقلید ایتدیکی و امضالری تقلید ایدیلن معلم خانم و بکر
کیفیت تقلیددن خبردار اولدقلى حالده محضا اشبو تقلیدك سوء نیتہ مقرون اولمادیغنی
ملاحظه سیله رسمی مقاماته مراجعت ایتمه دکلری اوراق تحقیقیه نك مطالعه سندن آ کلاشیلدی .
رسمی معاملاتده کوچوک براهمالک بویوک محذورلری تولید ایدہ جکنی درپیش ایتمه یں مدیر
ع و ... معلمی ل بکرله ، ، ، ، ه خانم لک بو تسیدلرندن دولای شمدیلک
بر اخطارله تجزیه لری و کیفیتك تفهیمی ضمننده اوراقك اورتا تدریساته تودیعی قرار کیر
اولدی .

۱۹۲۷/۴/۲۵

..

یوکسک تدریسات مدیری عبدالفیاض
نویایق بکک تلطیفی حقنده

موضوع :

قرار نومردسی : ۵۸

معارفك قدیم خادم لردن اولان یوکسک تدریسات مدیری عبدالفیاض توفیق بکک
صوک سنه ده کی مساعیسنندن دولای بر تقدیر نامه ایله تلطیفی حقنده سجل و مأمورین
مدیرلکنک ۱۷/۴/۱۸ تاریخلی مذکرہ سی اوقوندی .

عمرینک اوتوز سنه سنی متجاوز بر زمانتی معارف عائله سی آراسنده کچیره ن وبومدت
ظرفنده قیمتلی و مئمر مساعیسیله مسلک و مملکتہ مفید خدمتلرده بولونان عبدالفیاض
توفیق بکک مساعیسی بحق تقدیره سزا کوروله رک معارف تشکیلاتنه دائر قانونك اون .
آلتنجی و مأمورین قانونك ۲۲ نجی ماده لری موجبجه بر تقدیرله تلطیفی و کیفیتك
تسجیل و مومی الیه تفهیمی ضمننده اوراقك سجل و مأمورین مدیرلکنه تودیعی قرار کیر
اولدی .

۱۹۲۷/۴/۲۵

تعیینات

تعیینات

تعیینات:

۱/ نیسان/ ۱۹۲۷ دن ۱/ مایس/ ۱۹۲۷ تاریخہ قادیان

اسم	تعیینات و وظیفہ
اکرم بک	کاتبی اور تا مکتب شعبہ تاریخ، جوغرافیا معلمی
رجائی	ادرہ قیز معلم مکتبی تاریخ جوغرافیا معلمکنہ
عبدالرحیم	طر بزون قیز اور تا مکتبی تاریخ، جوغرافیا معلمکنہ
ندیم طوغرول	استانبول امام خطیب مکتبی مدیر معاونکنہ
سعاد صالح	آنطالیہ اور تا مکتبی شعبہ تورکچہ معلمکنہ
یکتا	ادرہ قیز معلم مکتبی موسیقی معلمکنہ
یوسف ضیا	الغریز اور تا مکتب طبیب و حفظ الصحہ معلمکنہ
اسماعیل براق	قباطاش ارکک لیسہ سی تربیہ بدنیہ معلمکنہ
نہاد منیر	دیاربکر اور تا معلم مکتبی تربیہ بدنیہ معلمکنہ
صدیقہ خانم	چاملیجہ قیز اور تا مکتب ایلاک قسم معلمی
مصطفی صبری بک	دیاربکر ارکک معلم مکتبی ال ایشلری معلمی
رجائی	استانبول ارکک معلم مکتبی تطبیقات معلمی
محمد محی الدین	قسطمونى " " " " " " " " " " " "
مرتضی	طر بزون ارکک معلم مکتبی اساس صنفیہ تاریخ جوغرافیا معلمکنہ
انور	استانبول اوکک معلم مکتبی تطبیقات معلمی
کمال الدین	آطنہ ارکک معلم مکتبی کاتب و حساب مأمور لغتہ
بہیجہ فوزی خانم	استانبول قیز لیسہ سی فزیک معلمی
جواد بک	" ارکک معلم مکتبی تطبیقات معلمکنہ
نافعہ راغب خانم	" قیز لیسہ سی ریاضیہ معلمی
سلیمان شوکت بک	وفا اور تا مکتبی برنجی دورہ ریاضیہ معلمکنہ
مصطفی بدری	خوپہ کوی بانی مکتبی مدیر لکنہ
بدری	بالیکمر اور تا مکتب طبیعیہ معلمکنہ

تعیین ، معاشنه ضم و نقلی اجرا ابدیلن معلمینه عائد جدول

معاشی	ملاحظات
۱ ۷۰۰	۸۰۰ غروش علاوه - میله ۲۵۰۰
	نقلاً
۲ ۵۰۰	علاوة
۱ ۰۰۰	معاشنه علاوه صورته
۱ ۷۰۰	علاوة
۲ ۵۰۰	»
۲ ۵۰۰	» احرته
۱ ۷۰۰	معاشنه ضم ۲۰۴۰ غروش ابلاغی
۲ ۸۷۵	» ۳۵۰ غروش ضم
۱ ۷۲۵	» ۲۲۵ »
۳ ۲۵۰	» ۷۵۰ »
۱ ۷۲۵	» ۲۲۵ »
۱ ۷۲۵	» ۲۲۵ »
۱ ۷۰۰	علاوة
۲ ۲۵۰	» ۵۲۵ غروش ضم
۲ ۰۰۰	نقلاً
۲ ۸۷۵	» ۳۷۵ غروش ضم
۲ ۲۰۰	» ۲۵۰ »
۲ ۸۷۵	» ۳۷۵ »
۲ ۵۰۰	علاوة
۱ ۵۰۰	ترفیماً
۲ ۵۰۰	علاوة